

澄城附志卷之十一

大事記略

自宋景定建康志紀事沿革合爲一表方志多仿之而於紀述事實分類敘述而外不過災祥兵戎載之於雜誌拾遺中鮮有列爲專門者良以政體專制縣事不過奉承國政無特殊紀載之必要今者共和成立注重地方自治則地方特殊情形自有特殊利害亦必有特殊設施不可不特殊紀述當此過渡時期所志前事仍不過兵戎災祥而編年直敘亦以應時代之要求作大事記

略第十一

周襄王二八年秦伯伐晉濟河焚舟取王官及郊左傳 按王官及郊二邑邑儒張羅谷辯應在晉地見古蹟

二十八年晉伐秦圍新城左傳 新城在縣東北二十里亦曰新里左傳襄王十年梁伯並其國而不能實也名曰新里秦取之

頃王二年秦佑伐晉取北徵左傳 又國語秦公子鍼桓公之子景公之弟食邑北徵

威烈王十七年魏伐秦築臨晉元里史記 按臨晉故城在朝邑縣元里在縣南十五里

顯王八年魏築長城自鄭濱洛以北秦本紀 縣南三里有長城古趾按澄地春秋屬晉戰國初屬魏皆與秦交界爲兩國交戰往來之區魏築長城以防秦鄭爲今之華州其曰濱洛則必經邑境可知縣南長城故趾或其遺迹歟

十四年秦王與魏王會杜平秦本紀 史記正義杜平在澄城縣按即今業善鎮

澄城縣附志之十一

澄城縣附志之十一

一一

三十九年魏入少梁河西地與秦

秦本紀 按此爲本境全歸秦之始

秦始皇二六年置郡縣北徵杜平屬內史郡

漢高祖二年分秦內史爲渭南河上二郡改北徵爲徵屬河上郡

九年罷河上郡復爲內史

武帝元狩中穿龍首渠莊熊熊言臨晉民願穿洛以溉重泉以東萬餘頃可令畝十石於是發卒穿渠自

澄引洛達商顏下得龍骨故名龍首渠

按渠在今大荔境內

東漢光武元年省徵入重泉地

重泉地今蒲城縣

後魏太平眞君七年析郃陽置澄城郡治澄城縣

按此爲移建今治城之始

領四縣

澄城五泉三門宮城

仍隸雍州

地形志

太和二年分澄城郡置白水郡

地形志

太和十一年廢馮翊郡置華州治李潤堡領華山澄城白水三郡同年分五泉縣地置南五泉縣隸澄城

郡

地形志

按邑地勢北倚山嶺洛河在西而南流餘水皆發源北山而西南流入於落故除大谷河以南外溝北分爲數縱梁形三門故城在

今縣西北三十里之三門村在縣西河與洛河之間地接白水白水東北姚谷一帶當亦三門縣地故太和二年析澄城郡置白水

郡兼置姚谷縣則當分三門縣而□之也唐武德元年析澄城置長寧縣皆由洛主縣西河之西梁也由縣西河至大谷河之間者

爲東梁今一城所在即當時之郡治五泉縣似鐵鐮山之五泉得名其區域當在大谷河以南佔縣之東南郃之西南朝之北鄉因

其地阜遠闢故析置南五泉即今之朝邑也朝邑咸豐縣志謂五泉爲郃陽而郃陽縣志沿革未及五泉之名均失之矣至宮城故址今無所考意者其在澄之東北郃之北及西歟今郃北有仙宮鄉東北有宮城村惟郃當時爲夏陽而宮城距夏陽故趾十餘里距離太近恐亦非是方輿紀要楊州可移而淮海之楊州不可移惜當時分界未明攷證無由關疑可也

宣武景明元年封高顯爲澄城郡公

魏高肇傳勃海修人颺子颺女爲文昭皇后生世宗景明初世宗迫思舅氏封顯澄城郡公

莊帝永安元年封楊順爲三門縣開國公食邑七百戶

魏書楊播傳

永安二年封楊寬澄城伯食邑三百戶

周書楊寬傳 孝武末寬請以爵讓兄穆詔許之

又封辛子馥爲三門縣開國侯食邑二百戶

魏書辛紹先傳

大統三年裴邃以略地功封澄城縣子食邑三百戶

復邃子文舉襲爵北周天和六年進爲澄城公增邑七百戶建德又增七百戶 周書裴文舉傳

恭帝三年改華州爲同州領武鄉澄城二郡澄城五泉朝邑三縣歸澄城郡

後周明帝二年省五泉三門併入澄城俱見隋地志

周保定四年置伏龍府

在縣南五十里時有龍見於南而北伏于此故名載舊志又唐肅宗時王榮爲伏龍折衝即是地唐史

隋高祖開皇三年廢澄城郡以澄城縣直隸同州

隋地志

唐高祖武德三年分澄城縣地置長寧縣

唐地志 貞觀八年省長寧

太宗貞觀十七年魏徵薨以功賜家封九百戶

按通志徵賜莊於澄城子孫世居焉所居□村曰修善曰良轉曰賢相俱以此得名在縣北今修善名太賢村

唐代宗廣德二年党項羌寇同州郭子儀使李國臣擊之於澄城北大破之

通鑑

澄城縣附志之十一

四

元順帝 年陝西平章李思齊命將築親鄰寨

在縣北二十里

以資屯守

通志

嗣縣城以兵燹焚毀移治寨內至明洪武二年縣承永韶始稟復故治

明洪武 年因元末兵燹日久境內土著流亡殆盡韶移山西洪洞各縣人民遷居之

數未詳攷各鄉族譜自洪洞遷入者過半數

明憲宗成化二十一年大饑人相食死者枕籍

石志

都御史崢山梁環澄城賑貧詩曰匹馬馳驅未敢安可憐黎庶日凋殘無端蝟役終身苦百結鶉衣透骨寒村落荒雞犬散妻孥走路途

途難口肉坡食知多少莫道身心得自寬

孝宗弘治十四年正月朔地大震自朔至望未已壓死者甚衆

路志

武宗正德七年洛川妖賊邵進祿等寇澄城由黃龍山據白水衝砦肆掠潼關衛指揮張潛關健百戶王

珍與戰死之兵備使者張蘇擊走之

同州志

世宗嘉靖二十六年十二月十四日澄城麻陂山界頭巔晝夜大吼如雷至二十七日夜山忽中斷移走

東西三里南北五里

續文獻通考

二十五年邊警告急知縣徐效賢奉檄築堡城三日遵義

即寺前鎮

曰長閏曰太平

即王莊鎮

三十四年冬十月地大震在在陷裂窟頭塌死尤衆

明神宗萬曆十七年遷學宮於城內

先是學宮在西城外至是諸生口形家言學宮不利科第謀遷城中告之堂公不可於是諸生張宏道權可法等抱先師先賢木主移之按察署中朱具門事聞監司僅法一二首富遂改於今所

事者以懲其擅學

四十四年 害稼次年夏旱秋潦冬復燠桃杏間花鳥有伏雛者

思宗崇禎七年闖賊陷澄城圍郟陽聞洪承疇兵至解圍去甲申八年流賊混天星自延安來襲城破死亡甚多後經韓郟營副張全昌擊走之混天星攻城知縣毛昂適公出主簿李可受率士民悉力捍禦城破火起可受死之後立祠文昌祠內九年流賊復圍城危在頃刻總兵曹變蛟襲破之

十三年大饑人相食

清順治元年剃髮之令邑諸生自縊於文廟及書院者十餘人滿族人華邑人士以死殉其節烈可尚矣舊志格於禁忌未載其事至今失其姓名悲夫

二年郟陽衛天命倡亂三年逼死知縣靳榜後知縣王用傑山西剿平之時土寇尚多到處迫脅王到任奉檄剿撫觀其自製真武廟碑云既禦黃張魏賀又誅王

孫雷劉翦除渠魁其餘若周樊諸匪猶可化誨者收其弓馬獻俘編伍其安輯澄邑厥功不鮮

十七年城隍廟柏生花槐生芝郊外穀多雙穗朝邑李河濱作三瑞記

康熙元年大雨日夜不絕四十日屋無新舊皆漏竈底生蛙三十年大有年麥價一石值銀二錢五分

乾隆十三年大饑夏秋全無麥價每石值銀九兩銀一兩換錢六百時延一帶豐稔民或就食或販糶朝廷又轉輸賑救道路肅清民各安堵蓋撫軍廣西陳文恭公力也

道光二十六年秋旱無禾麥皆乾種二十七年春大饑各鄉設賑濟廠

同治元年七月十五日回匪攻上鐵鑱山流毒南鄉一帶燒殺無算嗣多忠勇將軍隆阿軍至同州連戰皆捷回始南下後將軍在整屋陣沒鄉人立廟祀之先是同華各縣回漢雜處互相開闢本年四月間洪楊殘部由南山竄入逼近省垣回民遂乘機作亂邑南鄉及郟居民防守鐵鑱山東西四十餘里相持十餘日回匪由小姪繞出民團後衆

驚潰坡頭材殺傷十之五六武舉李定國戰死之繼民衆又激戰於和家村復潰敗此後鄉團瓦解無敢抵禦遂蔓延南鄉一帶逢人輒殺富室房屋多被焚燬按當時防守鐵鑱山民氣頗盛非不可用也惜太平日久無知兵之士守土官吏又束手坐視俾民衆漫無組

澄城縣附志之十一

織以致潰敗任匪
殺戮噫可慨也

六年二月間回匪由鄜洛入境北鄉一帶燒殺甚衆四月間旋去七月下旬捻匪由蒲城東竄入境肆掠

南鄉一帶較回不殺人後由郃陽逾河入晉

七年四月間回匪復竄入境內北鄉

自六年至此在甘肅正寧縣有德化未燬又攻破北趙莊城屠殺百餘人許莊同姓輔良趙姓霍家斜楊

姓河坡村魏姓牙曲高姓房屋焚燬一空北鄉富室從此凋零矣

八年洪楊羽黨陳德才殘部五百餘人偕回匪由洛川竄入北鄉魏光燾軍擊走之

回衆攻武安寨幾陷魏軍自郃陽來截擊始退斬獲

甚衆時崖畔寨正行修葺回匪圍攻相傳關帝顯靈始解去九年復攻崖畔寨官兵追擊始竄西北自此後邑境內始無回禍

光緒三年大飢人相食

時朝廷有事回疆未暇賑救

死者十之六七四年狼復熾傷人甚衆

按清咸豐以前邑民富庶全縣人口達二十萬以至是子遺僅六萬餘

減去三分之二焉
從來浩所未有

四年免荒糧減差錢一百三十文爲七十文

十九年九月 日夜大隕星

星隕如雨
光紅滿天

二十四年四月二十一日縣東北大雨雹劉家圪塆及和好村特重同州胡郡守來縣勸災奏免征賦

時鄉

人因雹災故將麥田耕犁但有未犁之麥二次茁長每畝竟有收成三斗者慶爲罕有

二十六年麥歉收夏旱秋麥未種七年春大饑時鄉倉均有儲糧又西太后及光緒西狩發米賑濟顧以無死

三十二年同華閩堂訛言四起謂每畝攤麥一斗修築西潼鐵路者九月二十三日附城西南鄉民亦閩堂後道憲文某帶兵來澄查辦以愚民無知和平了事

按是時實行變法反對者衆故各處暴舉多破壞學堂蓋以爲民毀鹽店畢相率撞入學堂已將前號舍門窗擊破

按是時實行變法反對者衆故各處暴舉多破壞學堂蓋以爲教堂也時余方肄業學堂與鹽店對門搗毀鹽店者多城內奸

余急□孔子牌位示之民衆始止學堂幸復無恙

三十四年四月大雨雹西北尤甚麥田受損
宣統三年九月省垣起義奉檄倡辦民團長潤鎮朱某聚集炭場苦工約三百人謀作亂並函知事要求供應九月十五日該處民團擊破之

民國二年廢府制改澄城隸關中道

三年三月二十二日西北鄉民因糧串票加費閩堂毀縣署內什物後知事薛翹蘭請兵彈壓帶兵至西舍村時村人逃竄怒無所洩親手舉石擊破民飯鍋十餘口該處損失不可勝計嗣由紳民乞請誅里長二人罰洋萬元

按愚民無知閩堂固暴舉不可爲訓然知事親民之□事前不能調解事後濫用威力俾民無生氣而後已甚至仇事黎庶舉石擊鍋果何爲哉噫澄民不幸遭此酷劫其亦可爲戒矣

九月二十七日郭匪金榜襲破馮原鎮城戕殺六十餘人焚燬街市團長劉昭乙被害李葆華赴井死舉

家及難

先是該團禦匪累有斬獲匪不得逞至是修葺城垣以資防守匪恐城成愈難報復遂使其黨詐充修城工人而襲破之

五年四月初十日護法軍高峻襲取邑城陸部駐軍潰走

高部去後四月十七日楊匪長清率衆進城知事侯旬潛集附近民團匪覺飽掠而逃

四月十一日王匪連山圍攻崖畔寨四日夜未克旋赴郟陽去

先是王匪等聚黨五六百人盤據北山三月間陳旅副官周鳳閣招收下山知事侯旬又諭令東鄉支應該匪

藉茲肆虐並威脅良民數百人攻破良周材寨焚掠一空至是攻崖畔寨未克燒邵家村民房家廟一百八十餘間旋赴郟陽爲郟陽駐軍擊破之後潰黨盤踞馮原鎮肆擾西北鄉高部趙樹勳於本月十七日計□□誅五十餘人始告肅清又同時王莊鎮城被匪攻破搶劫一空按吾邑民團初尙抵禦匪類旋匪徒被撫爲軍即圖報復而團衆遂瓦解獯然旋撫叛徒苦鄉民而已噫

四月二十日王起才部衆圍城知事侯旬率民團抵禦斬獲頗衆

後起才至欲圖報復詢團長何人侯曰團長即找事遂寢

六年秋購買澄城會館於省垣五味什字街價銀二千七百餘兩

吾澄有會館於外者始此

六年臘月初七日郭堅全部由蒲入境至韋莊鎮繞道寺前鎮後經王莊赴白水去

惟寺前鎮損失最鉅

七年三月十四日夜駐軍任某譁變民團關光初被戕四月靖國軍趙樹勳回軍駐守之

先是高部趙樹勳駐防六年高峻起義靖

國軍趙隨去山蒲城郭部防守至是任某變後趙復回防任某至縣東北鄉被高淵材圍截獲槍枝甚夥高淵地處東北山麓接連郟境恒受匪患本年正月初八日傳匪搶劫斃傷十餘人七月間李五成連攻三次未克十三年二月李清標軍藉端肆掠十四年十月郟陽

潰兵攻破村寨擊斃六人畜牲衣物擄

掠無餘事呈縣署免該材本年雜差

六月中旬趙部李五成偕東北鄉民團擊破曹老九匪衆於馮原八年秋靖國軍楊虎丞部姬惠伯據勸

母堡

至十年正月間始去

南北土匪蜂起按澄地迤北皆山西連洛河東南接近朝邑黃河□爲緣林淵數時陝戰方殷又屬靖國軍□陳軍交界地故土匪猖獗特甚殘殺焚燬架贖搶劫殆無虛日不可勝記邑人袁權衢有詩曰幾人縛手被株連騷擾羣倫越陌阡匪類凶殘翻世界濫刑炮烙索銀錢炸轟鎗砲驚遐邇蹂躪鄉區斷火煙更有一番傷慘事貪財斃命斷呼天

八年和匪據寺前鎮六月十二日王部攻克鎮城和授首惟鎮民傷亡十餘人

八年秋省委知事胡居剛以治城駐靖國軍分建縣署於韋莊至十二年始廢

九年十一月初七日地震約二小時有聲自東南赴西北如霹靂窟塌屋倒塌人甚夥

秋七月楊虎丞圍攻趙軍駐振吉村二十餘日嗣經和解始解圍去時余奉靖國軍胡指揮命回澄調解

十年正月十二日陸軍劉世瓏旅擊走姬惠伯於勸母堡十五日攻克澄城降趙樹勳五月陳督解職劉

軍回省留李新印寧頭鎮人李五成善化村人軍駐守委黨維蕃知事清附生交道鎮人六月二十六日靖國軍高峻趙樹勳劉軍

去趙復歸高圍攻閱四日夜城破新印維蕃俱死後五成降亦被趙軍殺

夏麥歉收天氣亢旱秋復薄收時因連年旱災省賑務總處來賑濟洋二萬五千六百元除放散一萬數

千元外後因兌款來遲次年麥已登場遂用以工代賑之法建修縣西河橋

澄城縣附志之十一

十

十一年九月陸軍第二混成旅高峻圍段部於韋莊鎮後經調解段引去

十二年駐軍因派捐事與崖畔寨齟齬四月間開隊圍攻經縣知事調處出款了事

崖畔寨地勢險峻爲東北鄉保障桿匪之小者被該

團剿滅不少故該村民賴以安

十三年正月十三日三十五師憨玉琨攻降高部嚴營於寺前鎮十五日攻破澄城駐軍張團潰走城內

搶掠頗甚

六月十七日馬團由臨潼交口譁變至北鄉塔塚鎮十八日城內鎮嵩軍攻擊失利馬團亦北去該地人

民損失頗鉅

十四年三月二十日楊虎丞部圍攻治城

駐軍爲麻九文部姜青海

三閱月後因省垣戰事起解圍去冬修葺城垣

費洋乙萬九千

餘元十五年六月間駐軍段又築外城築炮台十二個浚隍寬深各文餘

按民國十四年吾澄被攻者十餘次攻破者七次損失之鉅傷亡之慘支應捐派之苛重豈可以數記嗚呼覆巢之下寧有完卵執筆至此不禁爲之淚下也

十五年麥歉收

每畝三四升至斗餘不等

五月復亢旱而差賦繁重又派麥捐每畝一升十八日四鄉居民聚衆請求減

免麥捐雜差正賦俟雨落後完納五月二十八日大雨秋禾始下種

縣議會呈請減免派款姬相卿擬稿文如下爲痛陳貧苦懇豁免派款以延蟻命事竊斂

澄自連年以來師旅疊加饑饉頻仍既已十室九空矣去歲楊軍圍城數月城鎮鄉區擁疑支應遠近供給二麥成熟不能收穫霖雨連

旬麥穗盡係霉變且至六月猶有在地未穫者年雖豐稔顆粒虛耗無食者十之五六今歲土匪猖獗麥田薄收每畝大率二三升不等現種麥在即農民盡無籽種街面商賈歇業鋪多倒閉差糧並急鄉民逃竄寇盜蜂起里長不敢赴鄉種種苦况慘目傷心昨奉 縣長諭轉奉 師部命令新派借款三萬洋四民驚愕手足失措澄民向來踴躍急公特兵燹遭饑饉存臻民皆啼飢商不成市拮据無自稱貸無門欲踴躍輸將而莫由也伏思我 師長痾瘵在抱胞與為懷駐同數年澄民貧苦久在洞鑿之中萬懇宏愛如子之心厘民饑已饑之念將新派之款全予豁免 則澄民殘喘餘生庶不填於溝壑矣

八月二十九日晚高峯五襲取縣城九月二日麻師長派耿旅進駐陽莊初四日段旅回軍圍攻高遁走

十五日餘衆悉退

是役段耿兩旅用山西所造甲種重炮彈重七十二斤口徑十八寸的長約四十二生的約二十餘發居民震恐經知事王允伯縋域上下及紳士調解高部遂退

